



ALTERNATIV DEMOKRATESCH  
REFORMPARTEI

**Groupe parlementaire**

Här Fernand Etgen  
President vun der Deputéiertechamber  
19, um Krautmaart  
L-1728 Lëtzebuerg

Mamer, den 12. Februar 2021

Här President,


sou wéi d'Chambersreglement et virgesäit, bieden ech Iech, dës parlamentaresch Fro un d'Madamm Bannenministesch weiderzeleeden.

D'Sproochen, déi am ëffentleche Raum benotzt ginn, verrode vill iwwer d'Gesellschaft. Zu Lëtzebuerg hu mir eng ganz speziell Sproochesituatioun. Ville Leit ass net bewosst, datt et just eng Nationalsprooch, nämlech Lëtzebuergesch, hei gëtt, an datt Franséisch an Däitsch "just" Verwaltungssprooche sinn. Trotzdeem ass déi franséisch Sprooch dominant, wann et ëm Stroossennimm a Stroosseschëlter geet. Déi meescht Stroossennimm sinn op Franséisch, a bei zweesproochege Schëlter ass dat lëtzebuergesch Wuert meeschtens dem franséischen ënnergeuerdent. Zu Lëtzebuerg entscheiden d'Gemengen iwwer d'Sprooch vun de Stroossennimm.

An deem Kontext wollt ech eng Réi Froen un d'Madamm Banneministesesch riichten:

1. Wéi vill Stroossen (mat Nimm) gëtt et zu Lëtzebuerg?
2. Wat fir Sprooche gi bei den Nimm benotzt?
3. Wéi vill offiziell Stroossennimm si jee weils op Lëtzebuergesch, Franséisch an Däitsch?
4. Verschidde Gemengen hunn zweesproochege Stroosseschëlter, zum Beispill Kielen (Franséisch-Lëtzebuergesch) oder Esch (bei enger Rei Schëlter: Franséisch-Däitsch). Wéi een Numm ass an dëse Fäll deen offiziellen?
5. Wien entscheet dat?
6. Ass et och méiglech enger Strooss zwee offiziell Nimm ze ginn, also an zwou verschidde Sproochen?
7. Wéi beurteelt d'Madamm Ministesch d'Benotze vun de Sprooche bei de Stroossennimm?
8. Ass d'Madamm Ministesch, wat d'Stroosseschëlter ugeet, éischter fir Eesproochegkeet oder fir Méisproochegkeet?

Mat déiwem Respekt,

A handwritten signature in black ink, consisting of several fluid, overlapping strokes that form a stylized representation of the name 'Fred Keup'.

Fred Keup  
Deputéierten